



Pomoć povratnicima u selo Luke (Srebrenica)



U maju 2004. naša ekipa se uputila na dug put do sela Luke, u opštini Srebrenica kako bi stekla uvid u stvarno stanje ovih povratnika. U ovome projektu su nam pomogli ljudi iz "Omladinskog Kruga Tuzle" i "Prosvjetitelja" Sa sobom smo ponijeli anketne listiće koji bi nam trebali pomoći u stvaranju slike o tome kako pomoći ovim istrajnim ljudima, povratnicima na svoje.

Luke su udaljene 53 km od matične opštine Srebrenica, a 23 km tog puta je loš makadam. Zimi je ovo selo i po tri mjeseca odsječeno od civilizacije, a prošle zime im je i helikopterom donesena hrana. Stanje u ovome selu je uistinu zabrinjavajuće. Od nekadašnjih 1011 stanovnika, vratilo se njih 111 i djelimično je obnovljeno 47 kuća. Ljudi žele ovdje da ostanu i evo već treću godinu odoljevaju raznim iskušenjima. Ali po riječima svih anketiranih, teško je i sve je teže. Niko nije zaposlen. Djeca ne idu u školu. Nemaju nikakav prevoz do Srebrenice. Jednom u dvije sedmice dođe medicinski tehničar do sela.

I dan danas ima dosta porodica koje žive u kolibama, daščarama, šupama. Jednostavno nema se sredstava. Prioritet je hrana, pa ovi ljudi ulažu sve napore u tom pravcu. Pokušavaju da siju sve što uspjeva u ovim krajevima. Neko ima i po koju ovcu ili kravu. Ovčarstvo bi po riječima mnogih bilo rješenje mnogih pitanja. Donatori iz dijaspe su putem "HO Sadake" donirali deset ovaca povratnicima u Luke, sa nadom da ćemo ubrzo moći još više.

Dok smo pravili anketu i razgovarali sa mještanima, uvijek iznova smo čuli kako je povratak jedini izbor koji ovi ljudi imaju.

Po njihovim riječima, mnogo obećanja im je dato kao ona: Za učitelja, da djeca ne ostaju neškološana, Za Kombi, koji bi barem dva puta u sedmici vozio do Srebrenice, Za pomoći raznih vrsta, ali na obećanjima se obično sve i završavalo.

I mi smo dali obećanje, i molimo Boga da ga ostvarimo.

Naveče su mještani sela Luke pokazali svoju gostoprimljivost te su priredili veliko sijelo na koje se eto sponatano iskupilo i staro i mlado. Kažu da vole musafire, jer u ova brda i u ovu zabit skoro da niko ne navraća.



Pokrećemo akciju sakupljanja životnih namirnica na više lokacija u Bosni, kao i novčanih donacija u dijaspori. Na osnovu anketnih listića koje smo obradili, a i vi ih možete pogledati ovdje, najpotrebnije su životne namirnice, iz čega slijedi da ćemo sakupljati:

brašno, ulje so, šećer, gotova jela i konzerve svih vrsta, čokolade za djecu... higijenske potrepštine, kao: sapune, deterdžente za suđe, za veš, paste za zube ...

Pozivamo vas da se odazovete ovome pozivu i da pomognemo povratnicima u selu Luke kako bi ovu zimu prebrodili lakše nego prošlu. Prošlog ljeta smo poslali kamion odječe i obuće u Srebrenicu kako bi Srebrenički mališani bili toplo obučeni, (vidi izvještaj) a ovog puta želimo povratnicima poslati ono najosnovnije: Hljeb. Kao što smo već spomenuli prošlu zimu su se ovi ljudi jako napatili, zato i pomozimo da im ova zima bude lakša. Kada završimo kupovinu u supermarketu, sjetimo se ove djevojčice sa slike i kupimo joj čokoladu ili jednu pastu za male zubiće. Možda ispred vašeg supermarketa stoji kutija sa natpisom "Za povratnike u selo Luke", a ako ne stoji, onda posaljite po 5 Eura sadake za njih. Mi idemo na jesen u Luke, pridružite nam se.

Želja bi nam bila da iz projekta "Ovce za uzgoj" mognemo još više ovaca da doniramo, pa vas pozivamo da nam skromnim donacijama i ovo omogućite. Detalje o lokacijama i terminu početka sakupljanja životnih namirnica objavit ćemo uskoro, nakon što nam saradnici iz "Prosvjetitelja" i "Omladinskog Kruga Tuzle" koordiniraju detalje. Iskreni selami od svih mještana sela Luke i predsjednika opštine Hame Zubanovića

www.sadake.com

info@sadake.com



SADAKE